



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memoræ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

2. Impedimentum II. Oblivio æternitatis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)

## CONSIDERATIO II.

Impedimentum II. Salutis,

Oblivio æternitatis.

*Desolatione, desolata est terra; quia non est  
qui recogitet corde. Jeremiæ c. 12. 11.*

4. *Octobris.*

I. **C**onsidera, non solum oportere  
nos æternitatem firmiter crede  
re; sed ejus quoque crebrò meminisse  
quia ex ejus oblivione grandia damna  
nascuntur. Senex quidam in Vitis Pa  
trum L. 5. assererat: ternos esse Diabo  
li prodromos, scilicet *oblivionem, negli  
gentiam & concupiscentiam. Si oblivio  
venerit, generat negligentiam: de negli  
gentia, concupiscentia nascitur, de concu  
piscencia vero corrumpitur homo, in que vis  
fugitiva. Applicemus hoc oblivioni æter  
nitatis, de qua & negligentia salutis,  
concupiscentia carnis, & animæ inter  
tus oritur; hinc fidei vivæ æternitati  
socianda est ejusdem crebra recordatio  
ut monet Ecclesiasticus: *Memorare  
vissima tua. c. 7. 40.* Hæc enim si obli  
vion*

vioni tradantur, & nec cogitentur, nec considerentur, vix id distat ab ignorantia: Inconsideratio & ignorantia ex jurisconsultorum sententia, æquiparantur, ob similes utriusque effectus. *Quia nullus intelligit, in æternum peribunt.* Job. c. 4. 2.

II. Primus itaque Diaboli prodromus est *oblivio*. O in quot mortalibus illa regnat! Transeunt horæ, transeunt dies, menses, anni, ætates & nullus est qui *reocogitet corde*. Jerem. c. 12. 11. Reges & Principes versantur in Consiliis; Causidici & Judices occupantur in tribunalibus; officiales & milites in castris, in tabernis mercatores, in officinis artifices, coloni in campis & agris; & quotus quisque illorum est, qui vel semel per diem seriò meminerit æternitatis? Dum autem æternitas rarissimè cogitatur, parùm quoque cognoscitur, minùs æstimatur, minimè cordi imprimitur; ideoque vita passim instituitur, ac si æternitas nulla foret. Unde quotidie innumeris ejusmodi obliviosis accidit, ut in æternitatis damnatæ nassam decidant,

Pars IV.

B

nun-

24 *Domus aeternitatis. Consideratio*  
nunquam inde extricandi, priusquam  
vel passum unum, ad eam admovisse op  
narentur. Ignorant scilicet, aut pot  
volunt ignorare, sese, quomodocunq  
vivant, quidquid agant, quidquid m  
liantur volentes, nolentes, curantes  
gligentes; scientes, ignorantes, aeterni  
ti appropinquare; in eamque se, vel  
fluviales aquas in mare devehit, illoq  
absorberi.

III. Hac de causa stupebat Pra  
Salvianus L. 5. de Eccles. Cath. nec  
pere poterat: Quid causa esset; ut si qu  
piam Christianus futura credat, fut  
non timeat: si credat, quæ dixit De  
nec timeat, quæ minatur Deus: magn  
prodigium, credere aeternitatem  
pliciorum, destinatam iniquis, & qu  
cere tranquillè in iniquitate: habere  
certo, quod Deus dixit, & contem  
illud, quod Deus minatus est. Quæ  
obsecro hujus miseræ causa? Depro  
eam S. Ambrosius dicens: *Nihil tim*  
*quia non vident*: quamvis enim cred  
non tamen timent, quia non cogit  
non recordantur, non consider

oculumque fidei clausum gerunt, vel avertunt, toti in videndis tractandisque temporalibus absorpti: ita ut multi ne nomen quidem æternitatis audire sustineant.

*Commonitio & comminatio.*

**O** Peccatores obliviosi! cavete vobis ab hoc primo Diaboli prodromo, *oblivione*; eâ enim in animi penetrabile admiffâ; mox reliqui sequentur. Et tunc vœ vobis: *væ cæcis oculis, qui non vident,* clamat S. Augustinus Solil. c. 34. qui non cogitant non perpendunt æterna bona, & æterna mala! *Væ avertentibus oculos; ut non videant veritatem! Væ non avertentibus; ut videant vanitatem! Nequeunt enim oculi assueti tenebris, summæ veritatis radios intueri, & lucem æternitatis aspicere. Tenebras vident, tenebras approbant, de tenebris euntes in tenebras, nesciunt, ubi corruant: cadunt apertis oculis & descendunt in infernum viventes.* Si hoc tibi contingeret, mi Lector, quod avertat Deus, tunc revera erit vœ tibi, vœ millies, vœ millies millies;

26 *Domus aternitatis. Consideratio*  
lies; væ in æternum: væ in æternum  
ultrà & adhuc. Væ in perpetuas æ-  
ternitates.

5. *Octobris.*

I. **P**rimum Diaboli prædromum, m  
sequitur secundus: *neglectus* scilicet  
cet *salutis aterna. Oblivio generat neg-*  
*gentiam. Oblivio præcedit; quæ ubiq;*  
ferè regnat. Circumspice mundum,  
stra Europam, Asiam, Africam, & Amer-  
cam, totq; fidelium & infidelium milli-  
nes intueret: attende ad eorù cogitationes,  
curas, actiones, sermones, quæstiones,  
studia ac negotia; & millenas in illis  
prehendes cogitationes, sermones, cura-  
de temporalibus, & vix unam de æ-  
ternis: *nimirum non est qui recogitet con-*  
Oblivio præit; & ponè sequitur  
ex oblivione negligentia, salutisque  
curia. Nam, deficiente æternitatis,  
pius cogitata, stimulo; animi vigor  
tescit; ingravescit tepor, contrahitur  
animus, exstinguitur spiritus, refrige-  
charitas, subtrahitur gratia, timor  
mini derelinquitur, peccandi licentia  
minatur.

II. Et quia ex corde excluditur æternitas, aut rarissimè admittitur; in phantasia humana nascitur vanitas, in memoria rerum inaniū turba & varietas; in intellectu caligo & cæcitas; in voluntate perversitas; in corde duplicitas; in ore falsitas; in opere malignitas; & in omni vita, licet negligente, tepida, vitiis-que referta, temeraria quædam securitas. Ex hac autem oritur, ut homines in peccatorum lethargo securè dormiant; in crepidine putei infernalis cæci ambulent, rideant, saltent; quia pericula non vident. Juxta præcipitium damnationis æternæ, oculis clausis ludant nec horreant; atque ita tanquam boves coronati, ad victimam, & ad Luciferi macellum ducantur, cum tubis & tympanis; & phreneticorum instar applaudant ac tripudiant. O securitas periculosa! O damnanda temeritas!

III. O quantò securiores hi essent: si oblivionem, tanquam multorum malorum fontem expellerent; & æternitatis memoriâ, ad strenuè, pro gloria Dei, laborandum sese excitarent. Quemad-

28 *Domus æternitatis. Consideratio*  
modum Barlaam Josaphatum Regem  
hâc parabolâ. Civitatem fuisse a Jebat  
in qua Rex, anno non nisi unico, regna-  
ret, quô elapso, nudus in exilium expul-  
leretur: quod advertens, quidam Rex  
sapiens, toto illo anno thesauros suos  
occultè in locum, in quem expellendus  
se sciebat, præmisit, quos postea expul-  
sus, cum gaudio invenit, ac fruituse est.  
Omnes in Domû æternitatis, quibus  
ni igitur, toto vitæ nostræ anno, bono-  
rum operum thesauros præmittimus  
quibus æternùm fruamur?

*Affectus compassionis.*

**O** Quanta est in mundo, æternitatis  
oblivio! quàm communis & ubique  
que regnans, salutis negligentia! O quanta  
non tantæ multitudini cæcorum, igno-  
rantium, torpentium & negligentium  
timè compatiatur? Quis non cum Moyses  
se gemat ac deploret: *Gens absque co-  
gnatione est, & sine prudentia: utinam saperent  
& intelligerent, ac novissima providerent.*  
Deut. c. 32. 29. Quis non cum Doctore  
mellifluo optet & voveat, serm. de S.  
Petr.



Petro & Paulo: *Utinam saperent, ut eternitatis imago reformaretur in eis! utinam saperent, ut presentia moderarentur per prudentiam; praterita per intelligentiam dijudicarent; & novissima providerent, ad cautelam! Quàm longè alia tunc in mundo esset rerum facies?*

## 6. Octobris.

I. **T**ertius Diaboli prodromus, & æternitatis damnatæ prænuntius est *concupiscentia*: De negligentia, concupiscentia nascitur, ajebat Senex in Vitis PP. scilicet concupiscentia carnis, concupiscentia oculorum, & concupiscentia honorum: quæ velut insatiabiles sanguisugæ, semper clamant, *affer, affer: amplius, amplius.* Et hæ concupiscentiæ mentem excæcant, sensum evertunt, ac divini judicii metum expellunt: ut de falsis Susannæ accusatoribus legitur: *Exarserunt in concupiscentiam ejus; & evertterunt sensum suum, & declinaverunt oculos suos; ut non viderent calum, neque recordarentur judiciorum justorum.* Daniel. c. 13 9. Unde uni illorum repro-

30 *Domus eternitatis. Consideratio*  
brabat Propheta : *Species deceptu*  
& *concupiscentia subvertit cor tuum*  
l. c. v. 56.

II. Ubi autem concupiscentia sub  
verterit cor, oculi fascinantur ; iudicium  
sensusque pervertuntur ; ut cœlum non  
videant , æterna supplicia non metuant  
sed cupiditatum suarum torrente abri  
pianur. Ideoque fascinati excæcati &  
abrepti bonum malum , & malum bo  
num statuunt ; contemnunt æstimanda  
æstimant contemnenda ; cœlestibus ter  
rena, æternis momentanea, spiritualibus  
carnalia anteponunt ; ac veluti stulti  
furiosi, *Palpant, sicut cæci parietem, & in  
pingunt in meridie , quasi in tenebris*  
Deut. c. 28. 29.

III. Ex concupiscentia denique se  
quitur lapsus in scelera, atque ex his rui  
na in tormenta æterna. Et totum hor  
origur ex oblivione , seu defectu cogita  
tionis æternorum. Ideo lamentatur  
Propheta Jeremias c. 12. 11. *Desolation*  
*desolata est omnis terra, Quamobrem ve*  
*rò ? Quia nullus est qui recogitet corde*  
Non est, qui recogitet minas Propheta  
rum,

rum, & pœnas æternas, ( ut exponit S. Hieronymus ) Non est, qui ponat super cor suum [ legit Hebræus ] Deum, Dei timorem, legem, illius iram, minas, plagas; ut earum metu resipiscat, Deumque sibi reconciliet. Hinc omnis terræ, seu totius mundi desolatio, & corruptio. Desolatio morum & innocentia; desolatio devotionis ac veræ pietatis; desolatio temperantiæ & justitiæ, virtutumque omnium & Christianæ perfectionis. Ex adverso autem, mendacii, furti, adulterii, ebrietatis, hæresis, omnisque iniquitatis inundatio atque abominatio invalescit: quam demum ultima abominatio desolationis, & desolatio abominationis in extremo iudicio, & in damnationis æternæ barathro excipit. *De concupiscentia corrumpit homo.*

*Petitio.*

**O** Oblivio & inconsideratio æternitatis, quanta mala parit! O Deus sempiternæ! adjuva me, ope potentis gratiæ tuæ; ut æternitatis mihi nun-

**B** s

quam

32 *Domus eternitatis. Consideratio*  
quam subrepat oblivio; ne ex oblivione  
negligentia; ex negligentia, concupiscentia;  
ex concupiscentia, pœna in gehenna,  
subsequatur sempiterna. Da ut  
æterna identidem cogitem, æterna rumi-  
nem, æterna sapiam, æterna æstitem,  
æterna cordi meo profundè imprimam.  
Da ut intelligam, quàm longa, quàm  
lata, quàm alta, quàm profunda sit æter-  
nitas! ut tristem hanc desolationem &  
abominationem feliciter evadam. *Oblivioni*  
*detur dextera mea, si non meminero*  
*tui ô Jerusalem beata! atque etiam tui,*  
*Babylonia damnata! Fac hoc quisquis*  
*hæc legis: Si quis habet aures audiendi*  
*audiat. Marci c. 4. 23. Si quis habet men-*  
*tis & consilii sani micam: annos æternos*  
*in mente habeat, memoriâ teneat, intel-*  
*lectu perpendat, voluntate deligat; ne*  
*desolationem æternam, ideo incur-*  
*rat, quia non recogitat corde.*



CON